

Kosmo (Sabtu)
5/8/23 +
mc15

Negara! 15

Perkeso bantu pesakit strok terlantar

SETIU — Penderitaan seorang Kakitangan Syarikat Air Terengganu (Satu) yang terlantar akibat strok sejak lima bulan lalu mendapat perhatian Pertubuhan Keselamatan Sosial (Perkeso).

Pengarah Perkeso Terengganu, Fariyah Che Hussin berkata, Zulkifli Ab. Ghani, 51, menerima bantuan segera berupa susu khas, lampin pakai buang dan kerusi khas bagi pesakit terlantar.

"Kami segera meluluskan sebaik menerima borang permohonan pencarum Perkeso tersebut pada bulan lalu.

"Pemberian bantuan pemulihan tersebut berdasarkan syor doktor yang merawatnya," katanya ketika menziarahi Zulkifli di rumahnya di Kampung Bukit Merah, Chalok di sini semalam.

Fariyah berkata, Zulkifli yang merupakan kakitangan Satu cawangan Setiu turut akan dirujuk kepada persidangan jemaah doktor Hospital Sultanah Nur Zahirah, Kuala Terengganu pada 14 Ogos depan.

Jelas beliau, ia merupakan sebahagian prosedur bagi kelulusan permohonan ilat pen-



Dia yang sudah berkhidmat di Satu sejak tahun 1999 juga bakal menyertai program pemulihan di Pusat Rehabilitasi Perkeso Kuala Terengganu tidak lama lagi."

FARIYAH CHE HUSSIN

carum Perkeso tersebut.

"Dia yang sudah berkhidmat di Satu sejak tahun 1999 juga bakal menyertai program pemulihan di Pusat Rehabilitasi Perkeso Kuala Terengganu tidak lama lagi.

"Kami harap bantuan ini amat dapat meringankan beban keperluan Zulkifli dan keluarga," katanya.

Fariyah berkata, pencarum Perkeso tersebut juga akan menerima rawatan dan pemulihan bagi membantunya pulih dan kembali bekerja demi kelangsungan hidup sekeluarga.



FARIYAH (kiri) menyerahkan bantuan pemulihan Perkeso kepada Zulkifli di Kampung Bukit Merah, Chalok, Setiu semalam.